

V.—SIMON ROIENAWASE IESOS TSI ROIASAKEHTE.

C Iesos Sewenniio, ise takwentenron nakwaienawase tsi sarontakehte : askitenre tiotkon akheienawaseheke ne satekonkwe nonwentsiake, aonkwatennitonraskonhake, tosa onka akhekenronniheke, ii tenhnon akatatkenronniheke.

Ka tonte tsini tsiatiiohne, Iesos, iah nonwa teskaieronni ;
Ii ne ken kwaiataksaton, Ne tsini (2) iakionkwetaksen.

VI.—TSHAKOTHONWISEN WAHONWAKONSOKEWE NE IESOS.

O Iesos Sewenniio, shetenron naskonsarake nakoniataraa ne iesakonsokewaton ; askitenre tiotkon askonsarake nakenikonhrakon, nakoniehiaraseke, nakonwennarakwake oni tsinenwe, tosa nonwenton akoniatanikonhren.

Tsini honwasentonkwa Iesos, Sekon enskat sahaiatienenne ;
Ok eken tehotisterihens losnore (2) ahrenheiate.

VII.—TEKENIHATON IESOS WAHATIENENNE.

O Iesos Sewenniio, ne tsini iokste nonkwariwanerahaksera, ne saiatienentha, askitenre nakswenseke onwe ne kariwaneren, tosa nonwenton aonsakonnikonhraksate, ok eken ii akatatkenrenseronniheke ne taonsakeriwaserako.

Tosa nii akeriwake Sewatstar : ne teskwakanere ;
Ise tenhnon sewatatitenr, Aseken (2) ise sewentent.

VIII.—IESOS WASAKONIKONHRAHNIRATE NE KONTSTARANES.

O Iesos Sewenniio, askitenre akonwennaierite tsi isen : ise sewariwake nok oni niletsiien okonha akoriwake sewatstaraneseke ; ise, Sewenniio, askon nokaseratokenti ne tokenske akatstarhakwake tsi wakeriwaneren nok tsi iakoriwaneren nakonkweta.

Tokenske onwe, Sewenniio, Ken tsiatienens, isese sesatste :
Ah ! onkwariwaneraksera Ehtake (2) saiatienenton.

IX.—ASENHATON IESOS WAHATIENENNE.

O Iesos Sewenniio ne iawet sennikonhroktakwa tsini iahte ionkwatsennonniatskon niakionkwe ; askitenre tiotkon akeriwaientereheke tsini skitenranionhaties ne tiotkon takonnonweratontake naonkwateweientontieseke tsi konnhe.

Kasewe, swaronhiakehronon, Sewatkatho n'hetsiswaiatison :
Ah ! hetsisewaiatakennha Ostonha (2) ahaiewentann.